

Broj: 01/1-__-__/24
Kakanj, __.__.2024. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 24. stav (1) tačka 14) Statuta Općine Kakanj („Službene novine Općine Kakanj“, broj: 4/08) i člana 5. Odluke o dodjeli petnaestoaprilskih priznanja („Službene novine Općine Kakanj“, broj: 9/11, 5/16 i 2/22) i člana 94. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na __. sjednici, održanoj dana __.__.2024. godine, **donijelo je**

ODLUKU o dodjeli Petnaestoaprilskih priznanja

Član 1.

U povodu 15. aprila – Dana općine Kakanj, dodjeljuju se sljedeća Petnaestoaprilska priznanja:

A) GRB OPĆINE KAKANJ

1. „Grb općine Kakanj“ se dodjeljuje:

„Nezavisna televizija „IC“ d.o.o. Kakanj

Nezavisna televizija „IC“ d.o.o. Kakanj – za izuzetne uspjehe u radu i poslovanju kroz 30 godina postojanja; afirmaciju i promociju Općine Kakanj; za doprinos općini u privrednom razvoju kroz podršku svim pojedincima i grupama građana, privrednicima u njihovom razvoju i unaprijeđenje poslovanja kroz promociju putem medija van granica naše općine; za razvoj i upotrebu savremenih komunikacijskih i digitalnih alata prateći trendove tržišta kako bi Kakanju i njegovim stanovnicima omogućila znatno širi krug gledatelja i promociju pozitivnih priča. Nezavisna televizija „IC“ d.o.o. Kakanj znatan doprinos dala je i u godinama agresije na Bosnu i Hercegovinu.

B) PLAKETA SA DIPLOMOM

1. „Plaketa sa diplomom“ se dodjeljuje:

Zečević /Faik/ Munevera

za postignute uspjehe u radu i rezultatima rada koji su imali poseban značaj za razvoj općine i društva u cjelini; za nesebičan angažman u aktivnostima za odbranu zemlje putem aktiva žena na cijelom području općine Kakanj; za kvaliteteniji i bogatiji društveni život žena sa područja općine Kakanj i njihovo ekonomsko osnaživanje kroz različite projekte kako domaćih tako i međunarodnih organizacija.

2. „Plaketa sa diplomom“ se dodjeljuje:

Šain /Pavol/ Mijo - Mišo

za ostvarenje rezultata rada u svojoj radnoj sredini za koje je dobio mnogobrojna priznanja, za značajan doprinos očuvanju tradicije i historije Sutješkog kraja i Bobovca, za istraživanje povijesnih činjenica, razvoj dobrih međuljudskih odnosa, te za doprinos u ostvarivanju uvjeta za razvoj kulture naše općine.

C) ZAHVALNICA

1. „Zahvalnica“ se dodjeljuje:

Kubura /Husein/ Vehid

Kunura (Husein) Vehid – za ostvarenje rezultata rada u svojoj radnoj sredini i za rezultate rada u sredini u kojoj živi, za unaprijeđenje života u lokalnoj zajednici; za humanitarni rad kao istaknuti pojedinac u društvenom i javnom životu zajednice.

2. „Zahvalnica“ se dodjeljuje:

Ahmetašević /Muhamed/ Emerin

Ahmetašević (Muhamed) Emerin – za isticanje kao pojedinca iz javnog i društvenog života; za postignute rezultate u svom radu kroz medije i novine; te za doprinose u ostvarivanju ljudskih prava i sloboda povratnika u okviru autorske emisije „Mjesto povratka“.

3. „Zahvalnica“ se dodjeljuje:

Srdić /Jovo/ Milenko

Srdić (Jovo) Milenko – za isticanje kao pojedinca iz javnog i društvenog života; za promociju međuljudskih i međunacionalnih vrijednosti i razvoj tolerancije kroz svoj javni rad; te za promociju Kaknju u najboljem svjetlu u svakoj prilici.

Član 2.

Petnaestoaprilska priznanja uručit će se dobitnicima na svečanosti u povodu obilježavanja „15. aprila – Dana općine Kakanj“.

Član 3.

Ova Odluka stupa na snagu danom donošenja, a biće objavljena u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**
Slaven Katičić